

等。參集宮處杵築，故云寸付。神龜三年，改字杵築。

伊努鄉。郡家正北八里七十二步。國引坐意美豆努命御子，赤衾伊努意保須美比古佐倭氣命之社，即

坐鄉中。故云伊努。努，目錄作農。神龜三年，改字伊努。

美談鄉。郡家正北九里二百四十步。所造天下大神御子，和加布都努志命，天地初判之後，天御領田之

長供奉坐之，即彼神坐鄉中。故云三太三。神龜三年，改字美談。即有正倉。

宇賀鄉。郡家正北一十七里廿五步。所造天下大神命，讓坐神魂命御子，綾門日女命，爾時女神不肯，逃

隱之時，大神伺求給所，是則此鄉。故云宇賀。

〔出雲風土記神門郡〕朝山鄉。郡家東南五里五十六步。神魂命御子真玉著玉之邑，日女命坐之，爾時所

造天下大神大穴持命，娶給而，每朝通坐，故云朝山。

日置。○日置原作置，據東大寺正倉院文書和名抄改，下同。鄉。郡家正東四里。志紀島宮御宇天皇崇之御世，置伴部等，所遣來

宿停而為政之所，故云日置鄉。

鹽冶鄉。郡家東北六里。阿遲須枳高日子命御子，鹽冶毗古能命坐之，故云止屋。神龜三年，改字鹽冶。

八野鄉。郡家正北三里二百一十步。須佐能袁命御子，八野若日女命坐之，爾時所造天下大神大穴持

命，將娶給而令造屋給，故云八野。

高岸鄉。郡家東北二里。所造天下大神御子，阿遲須枳高日子命，甚晝夜哭坐，仍其處高屋造而坐之，即

建高椅而登降養奉，故云高岸。神龜三年，改字高岸。

古志鄉。即屬郡家，伊弉那彌命之時，以日淵河築造池之，爾時古志國人等到來而為堤，即宿居之處，故

云古志。

滑狹鄉。郡家南西八里。須佐能袁命御子，和加須世理比賣命坐之，爾時所造天下大神命，娶而通坐時，

彼社之前有磐石，其上甚滑也，即詔滑磐石哉，詔故云南佐。神龜三年，改字滑狹。